

四庫全書

史部

欽定四庫全書

史部

畿輔通志卷五十五

詳校官監察御史_臣劉人睿

檢討_臣德生覆勘

總校官進士_臣繆琪

校對官中書_臣王鍾泰

謄錄監生_臣畢所譚

欽定四庫全書

畿輔通志卷五十五

風俗

五方之民剛柔輕重遲速異質山川風土異宜生其
習者異俗故古者命太師陳詩以觀民風命市納賈
以觀民之所好惡所以審則宜類而經紀其政教也
畿輔之地乃黃帝顓頊故都上聖至德化與民宜其
風俗之淳厚必過越尋常而唐虞以前載籍無徵自

漢以後史傳多謂習于燕丹荆軻之遺風忼慨悲歌
尚任俠矜氣勇然其性資之質直尊吏畏法務耕勸
織則歷代所不易也我

世祖章皇帝創業於茲還定安輯休養而生息之

聖祖仁皇帝在位六十有一年無日不以厚民生正民德為
先務

訓誥諄切德教漸摩淪肌浹髓我

皇上繼承先烈深仁厚澤洋溢於四海而賑恤撫教於

京畿尤殷元年正月即

諭直隸巡撫督飭文武官弁稽察奸慝以安善良備設禁
防匿逃鬪狠酣酗博戲之風一時頓息又因旗民雜
居屢

勅守土之臣稽察強梗得與內務府及本都統相關以糾
不法且

特簡御史三路分巡兼設八路旂庄官員班布近畿講宣
聖諭以化導之用此好俠尚勇者皆知自束於法度而淳

朴耕織之黎元益得以蕃其生而安其性風俗蒸蒸
播流四遠洵非近代所可及也爰輯前史書傳所記
彙為一編以示斯民幸生

盛代重熙累洽得近

聖人之光宜益自勗勵以仰荅甄陶之

至意云

順天府

燕勃碣之間一都會也大與趙代俗相類而民雕悍

少慮

史記

燕其氣深要厥性剽疾

爾雅疏

其俗愚悍少慮輕薄無威亦有所長敢於急人

漢書地理

志

自古言勇俠者皆推幽并然涿郡自前代以來多文

雅之士

隋書地理志

崇德尚義顧恥修廉以忠孝勵其俗以詩書傳其家

金志

人多豪俠習於戎馬

元志

燕之水萃下而弱沈滯而雜故其民愚戇而好貞輕

疾而易死

管子

燕趙古稱多感慨悲歌之士

唐韓愈集

幽并之地其人沈鷲多材力重許可

唐杜牧集

風俗朴茂蹈禮義而服聲名

宋范鎮幽都賦

幽燕之地自古號多豪傑名於圖史者往往而是

宋蘇

軾集

勁勇而多沈靜

宋蘇轍集

民務農桑士習詩書無強暴相凌之風有寡求不爭

之俗

方輿勝覽

人多技藝秀者讀書次則騎射耐勞苦

畿輔舊志

士人文雅沈鷲而不狃於俗感時觸事則悲歌慷慨

之念生猶然燕丹遺烈閭巷傭販之夫亦莫不堅

悍不屈硜硜然以急人為務無闖茸皆窳之習

郡志

家無儋石而飲食服御擬於巨室

同上

走集之交聚會之所習為商賈勇於奔競喜聲名者

有雄桀之風好詩書者多慷慨之致

通州
舊志

當水陸之衝財貨集焉往往逐末者多務本者少

同上

涿鹿之區水深土厚風氣高寒草木則膚厚幹強鳥

獸則羽勁毛毳其人君子則高明直亮小人則醇

樸堅強

涿州
志

房山密邇京師僻處巖數士民質樸專務耕讀不習

末藝

同上

郡西地皆平衍民樹桑棗勤耕織然當諸河之衝頻
歷水患東多水鄉饒魚鹽蓆葦之利南多汙下沮
洳不得耕播民多業漁其俗樸野愚鈍倔強不肯
屈折每秋水泛溢多攜家徙別所郡北沙薄不宜
穀民樹榆柳植瓜果人尚涼薄俗習織罽與諸營

屯接壤有軍衛風

霸州舊志

淳而少訟樸而無華

昌平志

俗悍而漓性沈而執

薊州志

資性躁勁習為質直士重科第民樂耕織

文安縣志

執正不阿追燕市悲歌之節有趙人慷慨之風

同上

風氣渾純而民俗質直

東安縣志

人性質而好剛直而不校士習儒業農勤稼穡

同上

婚姻以時隨其貧富喪祭惟禮稱其有無不事浮靡

之習頗有篤實之風

保定縣志

壤土塊壘地氣冽寒生其間者材技豪勁習尚淳樸

順義
縣志

永平府

人性勁悍習於戎馬

隋書地理志

人尚義勇節儉務農

元志

孝義為先質樸相沿勤於毓材趨於稼穡洋洋乎美

哉是三五之淳風也

府舊志

人多剛猛而尚才勇士好禮讓

盧龍縣志

性質樸茂習尚禮讓

元樂亭學記

古稱夷齊庶頑起懦而灤樂為桑梓之鄉其被化尤

切

樂亭縣志

薦紳率恬讓章逢多質朴編民類椎魯其耕稼紡績

比屋皆然

同上

士敦本實絕浮夸齊民厚愿少文翰將早辦無逋賦

之苦

昌黎縣志

務本力作不習奸偽古心未鑿

遷安縣志

山環水抱人多秀而知學

玉田縣志

人心質朴古風獨存

同上

負氣任俠慷慨激壯

山海關志

絃誦風微技擊習熾

同上

朴而野謹約而不浮士敦信農棄末工賈罔尚淫艷

灤州

志

保定府

地勢廣濶民物蕃庶

方輿志

風土不時至中春而盛寒俗悍難制

同上

人性寬舒

與地志

風土多寒士輕生而尚義有荆軻之遺風

圖經

稍事詩書之業畧無僥競之風

宋劉渙記

民質樸勁勇不以浮華為習而以耕織為生

畿輔舊志

俗產英材土無奇貨民務農桑

郡舊志

土阜民厚山川秀麗家尚禮義

元張肯田記滿城縣

民性樸直而勤于耕桑士習謹厚而樂於絃誦

滿城縣舊志

志

四達之衝地勢坦平無奇貨俗尚質樸民務農桑士

敦學業

定興縣
舊志

俗薰京兆之華人帶塞垣之武

新城
縣志

春之日男馭犢女操筐秋之日圃坻積機雲聯

博野
縣志

邑據要衝桑麻萬井章甫華胥蓋古仁讓之域

慶都
縣志

志

山居之民力本耐勞習尚儉樸士無鮮衣女無冶容

居無丹堊有陶唐遺風

唐縣
志

男勤耕作女勤紡績依山樵採柴扉糲食樸野質戇

同上

男務農桑女勤織紵服飾婚喪俱崇樸素雖大族亦

然

蠶縣
舊志

雄澤國也為三輔要地俗勤儉男耕讀女蠶桑

雄縣
志

士勤絃誦而秉耒澤畔尚于于有古風

同上

人習鑿輪之巧家諳種樹之書

祁州
志

燕趙之俗悍而漓

祁州
志

地狹而瘠又邇沙濱溲沱三河每際水滂易生盜賊

同上

男尚爭競女巧機織俗稱強悍

東鹿縣舊志

安州古濡陽地居九河下流每歲禾稼將登水至滄

沒雖葦荻菱芡亦鮮成熟百姓以漁樵為生業

安州

志

風土深厚民性樸實多忠信義烈之士

高陽縣志

其俗漁獵其業耕織

方輿勝覽新安縣

新安雖居渥水之間而山脉水源發自燕冀其人多
剛介慷慨尚樸畧而少文華淳厚之風相沿成俗

新安
縣志

河間府

兩河間其氣清厥性相近

爾雅
疏

信都河間博陵恒山趙郡襄國其俗頗同人性多敦
厚務在農桑好尚儒學而傷於遲重前代稱冀幽

之士鈍如椎蓋取此焉

隋書地
理志

俗重氣俠故班志述其土風忼慨

同上

人性質厚少文多專經術大率氣勇尚義號為強忼

宋史地

理志

俗儉風渾材毅剛強

杜牧戰論

古稱禮義之國在三輔之內文物衣冠之盛比於鄒

魯

元李繼本送董景寧序

人多貴德俗皆淳樸

郡舊志

衣冠不乏風俗熙熙

同上

民多豪黠號稱難治

府碑記

寡求不爭有古人風

元獻州志

水深源廣人秀地靈

獻縣志

士林雅重廉介婦女知貴孝誠

阜城縣志

地僻民淳簡樸易理士類服馴教化

肅寧縣志

俗尚祈禱信鬼神

莫州圖經

誦讀成習耕桑為業

任邱縣志

民淳訟簡不相凌暴

交河縣志

民庶而富俗敦而龐

明李東陽寧津縣碑記

沃野平疇風俗淳厚

寧津縣志

文武忠孝代不乏人密邇齊魯淵源洙泗

景州學記

民淳訟簡無強暴相凌之風

景州志

州人習董子正誼明道之訓至今人尚質行戶多絃

誦同上

風俗淳厚人心古樸其君子文章都雅其小人稼穡

勤勞差稱近古

吳橋縣志

地平衍有斥鹵民樂農耕俗恥鬪訟

故城縣志

澹董以濬其源東田沙溪以衍其流科第相望甲於

他邑

同上

東光地雖不廣而民事勤耕戶雖不多而士知尚學

瀛州志

天津府

天津近東海永樂初始闢而居之雜以閩廣吳楚齊

梁之民風俗不甚純一性少惇樸

明王鶚三
又沽舊碑

地當衝要人雜五方

重修分司署記

民性淳良俗皆惇樸以農桑為先務以詩書為要領

天津衛

舊志

貴德恥爭民淳訟簡近來五方雜處逐末者眾訟獄

繁興習尚奢靡

同上

滄州古渤海地風俗鷙悍高尚氣力

太平寰宇記

廉恥成風志士鼓義

滄州志

其民質樸不事浮華男勤稼穡女務蠶桑

元清州志

民性淳厚俗信鬼神

興濟縣志

勤農桑尚祈禱家少餘積人敬長上

靜海縣志

士風恬退子弟謙謹

南皮縣志

士尚名節俗重信義侈文信鬼椎販時有

鹽山縣志

好經術矜功名務農桑崇學業文物彬彬而豪悍之

習自若

慶雲縣志

正定府

趙中山地薄人衆民俗懷急仰機利而食丈夫相聚

游戲悲歌忼慨

史記貨殖列傳

性緩尚儒仗義任俠

通典

獷悍木彊之習可變為禮義廉恥之風

宋蘇過送孫誨若赴官序

當燕趙之交土廣俗雜人習文武雄於河朔

明鄧元錫函史

風物繁衍地廣氣豪文士彬彬武夫行行

正定廳壁記

文武將相之儲經術詞章之藪

燕南題名記

人物雄豪

明統志

土平民強英傑所利

畿輔通志

土平水深俗故質樸前代稱冀幽之士鈍如椎蓋信

有此

郡舊志

薦紳先生抗言厲志好尚儒學猶有先古遺風

正定縣志

地秀人傑風淳俗美號稱禮義之邦

明程師伊重修
行唐文廟記

民安儉陋冠昏蜡社外無遊逸之飲

靈壽縣志

士風恥入公門民俗多尚淳樸從令如響質任自然

平山縣

舊志

士重科目民樂耕桑

元氏縣志

質樸尚義務本力農君子崇道義小人尚廉恥

舊志

勤耕織樂輸納好祈禱信鬼神

同上

龍岡蟠拱於後滋水帶繞於前風氣攸萃禮義漸興
第慷慨輕生剛毅任俠信鬼尚祈嗜遊弛業猶不

免燕趙之故俗

無極
縣志

藁居太行之東人物豪雄多慷慨尚義節居民急農

桑崇禮讓輸納不敢愆期服役如趨父事

藁城
縣志

順德府

鉅鹿當四方之鋒其人生而知戰鬪攻掠之備習聞而成風者已久而不可遷雖當積安無事之時其

天性固已異於他俗

宋沈括堯山
令廳壁記

密邇畿輔皇化首被

順德府敬
一亭記

邢州土厚泉甘人物產於其間者多實少浮

圖經

邢州素號煩劇之郡龍岡駕水地望甚雄文物風流

若一都會

明鄭昕重修
邢州廟學記

人悍難治

鄧元錫
函史

爭訟不撓官司貧富相尚周恤

郡志

邢襄素號文獻之邦英材蔚起彬彬稱甚

李嘉允順德府學田

記

此邦士子威儀揖讓斌斌有儒者氣象

吳珂鳴邢邑
朔建義學記

民俗醇厚稼穡維勤

同上

商旅之所輳集衣冠士夫之所游處民繁物富地廣

務殷

明王雲鳳邢
臺黥樓記

其土厚其水深人勤稼穡尚儒學重節義

明郭經鄉
賢祠記

俗變幾魯為禮義邦號易治

南和
縣志

君子好義小人力田

同上

廣宗民十七遷自山右有陶唐氏之遺風男力稼穡

女勤織紝雖土瘠人貧而急公恐後油然有親上

之義焉

廣宗
縣志

昔稱伎詐雅掘今則急上而力農昔稱彈絃跼躑今

則紡績而宵作

鉅鹿
縣志

急公後私矜尚節義燕趙慷慨之氣習猶存

唐山
縣志

廣平府

土廣俗雜大率精急高氣勢

漢書地理志

人性質厚少文多專經術

宋史地理志

民務農桑士習詩書

通考

風俗循美

善政樓記

廣平為畿南郡土厚俗淳士重然諾先王之遺風猶

有存者

石琚修學記

人性質直尚儉約勤稼穡織紉

畿輔通志

務學力農淳龐勤儉間有重氣俠尚奢澆者

郡志

舊尚奢侈信巫鬼今漸有古風

同上

其俗好義其人甚果

同上

廣邑風氣雄勁深沈大都矜氣節敦禮讓務本業多

畜牧

廣平縣志

任質無偽尤為近古

邯鄲縣志

土狹而瘠邑敞而衝

邯鄲縣志序

邯鄲為畿輔重地觀化最先故世少傷教悖義之事

邯鄲縣
舊志

民俗殷富人性澆悍

咸安縣志

風俗淳美務農力學衣冠禮儀為鄰邑首稱人性多

敦厚而過於持重

咸安縣志

清河以平干尾邑僻處河濱壤接山東地多斥鹵惟

俠烈之氣遠過鄰封

清河縣志序

清河俗稱淳龐勤儉戶習詩書婚姻喪葬相救恤頗

為近古

清河縣志

滄陽勤於營生儉於費用

圖經

土濁人稀習尚敦厚雅重儒學頗有古遜畔之風

磁州

志

磁之為郡民素淳愿良吏治之則事易集

盧明理
滄陽記

大名府

衛多君子

春秋
左傳

衛俗與趙相類然近梁魯微重而矜節

史記貨
殖列傳

其俗剛武尚氣力

漢書地
理志

人多好儒學性質直懷義有古之風烈

隋書地理志

大名澶淵之地頗雜斥鹵宜於畜牧

宋史地理志

魏地陘隘其民機巧趨利

詩序

人人知本農桑勸學校

晁无咎澶淵登科記

俗尚義縻有古推遜之風

澶淵舊志

好學而樂善

同上

忠信質直君子深思小人任俠

府舊志

性淳樸氣剛毅頗稱好學務本

同上

衣冠文物之盛為畿南稱首婚姻喪葬近稍參用古

禮尚巫鬼千里齊糧東祈泰山轉請福田並河濟

以北東涉齊魯西轉晉陽千里同風

同上

青衿好誦讀小民重農桑勉作儉嗇憚爭訟

同上

南樂在唐虞為冀兗二州之交是畿內近地淳風洶

穆

南樂
縣志

魏有康叔之遺教君子深思小人儉樸

魏縣
志

矜尚節槩敦崇禮讓勤學尚友務本力農

同上

質而不華儉而不侈安於田里不事遠遊

張耿臣清
豐文廟記

東明土地沃衍風氣樸雅慕善恥非尚果敢喜正直

東明

縣志

先人後己務崇禮讓

長垣
縣志

垣為畿甸名區淪浹久道之化最切士多忠信樸茂

宜乎風俗之美質異曩時

同上

宣化府

俗與趙代相類

漢書地
理志

廣寧其地險要其人樸魯可恃以守

晉書地理志

習俗同鴈門

唐書

幽燕山後諸州人性勁悍習於戎馬惇尚氣節可以

義動

宋夏竦論幽燕諸州

習於兵農安於勤苦

元陳孚記

人性鷙悍不憚戰陣喜立功業勤儉務農無浮末之

習

明統志

山高水激風勁氣寒人性勇健喜惇信義故多貞烈

之節

舊鎮志

地近京華習尚靡麗而力農崇儉者亦自不乏

東路舊志

地極高寒霜雪偏早農業之暇聚族講武近被學校

之化漸有中州之風

北路舊志

人以氣岸相高不尚含容喜則傾心怒則視劍

西路舊志

不事奢華能耐勞苦獨西城一區驚而喜訟

南路舊志

士厚重樸魯無澆漓之習民性剛直強悍逼於饑寒

盜竊亦不槩見

赤城縣志

自沮陽來者皆言懷人性剛直自縉山來者皆言懷

士風從厚

懷來
舊志

蔚民性質無諂去華從儉以墾田為生

蔚州
志

民間率重詩禮與關內彷彿但邊風剛勁習武者多

西寧

縣志

小民愚不知法或稍爭競則奸者誘訟足及公門而

止

同上

地處邊陲少嫻文教改設縣治以來設學重士人漸

絃誦 同上

地臨險要俗近淳朴

延慶州
舊志

男務耕稼婦勤女紅無浮末之習風俗之美視昔有

加 同上

俗尚武藝

唐新
州記

民安於樸士務於勤

保安州
舊志

易州

英俊之域黻冕所興

易州人
物志

山川明秀髦杰挺生地靈之所苞孕也

同上

士敦簡略不事浮華然好學力文者不多見故科目

如晨星焉

涑水縣志

民風質樸男不遊惰女不治容專務力於農桑

明一統志

路當要衝人文絡繹

廣昌縣志

冀州

弱則冀強亂則冀安荒則冀豐故曰冀州

晉史

質厚少文氣勇尚義號為疆忼

州志

幅幘百里厥土白壤宜樹宜藝穀足食秭足芻木棉
梨棗之饒估客轉販歲入不貲十畝之田一夫力

作可贍卒歲

明邢侗南
宮舊志

白壤平廣非有山水藪澤之饒然當齊趙要衝四方

輻輳故人皆纖嗇節儉男子給佃作女子工針繡

即貧弱無甚凍餒

同上

新河俗專務本土不倦學科目時聞農不怠耕水旱

無憂敦樸茂而厭浮華尚禮義而少機械

新河
縣志

民淳俗厚不尚浮靡士習其業農勤於耕

武邑縣志

衡介燕趙間士多慷慨

衡水縣志

趙州

好儒雅勤耕稼

州志

山川環縈風俗樸茂

趙州題名記

地屬畿輔政教漸摩日趨文雅

趙州舊志

人不思遠家無素蓄輕生嗜利男女訟牒攘臂一呼

易為震動

同上

性多敦厚務在農桑

柏鄉縣志

隆俗剛勁每喜鬪而輕生

隆平縣志

甘澹薄崇節儉雖地瘠民貧猶為易治

臨城縣志

文物鮮華衣冠濟楚冠婚喪祭備物盡文

寧晉縣志

深州

士志約而行方民性淳而情愿

饒陽縣志

地狹民樸俗無囂訟

饒陽縣志

士夫淳篤百姓樸實猶為近古

安平縣志

士樂孝友敦詩書民力織作勤畎畝

熊峰文集

定州

帶弓而鋤佩劍而樵

宋蘇軾知定州奏議

俗敦淳樸人務農桑有勤儉之風多慷慨之氣

州志

果於行義號為厚俗第人無遠慮農桑外不事商賈

秋禾遺種則簫鼓連邨春事轉空則券書絡繹

州志

唐建學以教民文士輩出宋為重鎮韓忠獻公增修

學校以化導之蘇文忠公復葺斯土人漸於其化

蕪習文武

州志

男勤耕鑿女勤紡績布衣糲食樸厚而直有唐堯之

遺風

曲陽縣志

地雜沙壤家鮮蓄藏而民無夙負

深澤縣志

畿輔通志卷五十五

欽定四庫全書

畿輔通志卷五十六

土產

嘗考周官職方詳穀畜所宜而司徒土會之法并及于植物禹貢所紀惟良材珍異而管子地員之篇百穀草木果蔬之屬無微不至所以辨水土之性觀萬貨之原以為斯民衣食之基本也稽之職方畿輔疆索跨延五州於穀或宜六種五種三種或宜黍稷或

宜稻麥於畜或宜六擾五擾四擾或宜牛羊或宜雞
狗各州所通利則魚鹽松柏布帛林漆絲枲蒲魚凡
利用厚生之具咸備矣國策稱棗栗之實可當田作
是謂天府之國而其他物產材貨見於古書者甚稀
故自經傳史志以及山經農書稗官雜記苟有及者
并著於篇以附周官土訓辨地物詔地求之義

穀屬

黍

周禮職方氏冀州其穀宜黍稷爾雅冀黍有赤黍
黑黍黏者別名秫北人謂黃米亦謂之黃糯

稷

廣羣芳譜冀北謂之聚俗呼為糜本草黏者為黍
不黏者為稷北方地寒種之有補文安縣志勝芳
鎮最佳

稻

聖祖御製文集豐澤園中有水田數區布玉田穀種六月下

旬穀穗方穎忽見一科高出衆稻實已堅好因收
藏其種待來年驗其成熟之早否明歲六月果先
熟米色微紅而粒長氣香而味腴以其生自苑田
故名御稻米一歲兩種亦能成兩熟庶羣芳譜有
杭有糯北方以為佳品北方地平惟澤土宜旱稻
種類甚多烏臺筆補范陽去都百里而遙土風宜
麥與稻督亢舊陂歲收稻數十萬石燕山叢錄房
山石窩稻色白味香美為飯雖盛夏經數宿不餿

遵化州志稻有東方稻雙芒稻虎皮稻糯有旱糯
白糯黃糯河間府志隋時滄州魯城縣地生野稻
水穀二千餘頃燕魏民就食之邢臺志稻有紅口
芒稻廣平府志產府西引滏水灌田白粳不減江

浙

梁

韻會小補梁粟類正字
通李時珍曰粟即梁也

周禮地官註北方水土深厚窖地而藏可數十年
不壞元和志澶州賦粟廣羣芳譜北方直名之曰

穀脫殼則謂之小米北人日用不可缺者粟中之
大穗長芒而有紅毛白毛黃毛之品者即粱也河
間府志穀有粱穀水穀金蠶金苗水裏紅耙齒金
羅裙帶柳根赤朱裏紗箭桿白龍爪金竹根青大
葉黃等名

麥

廣羣芳譜北地燥冬多雪春少雨麥晝花薄皮多
麵食之宜人陳者更良畿輔舊志小麥具四時之

氣春種者曰春麥大麥仁可作飯生芽可作餠遵
化州志小麥中有一種名小迎春又名轉芒質類
秋麥土人珍之邢臺縣志麥有黃皮麥紅麥白麥
光頭麥紫庭白籽等名

蜀秫

紅白二種俗呼高糧農政全書蜀秫在北方地不
宜麥禾者乃種此尤宜下地

玉蜀秫

農政全書作玉米

稗

爾雅翼稗有二種一黃白一紫黑紫黑者芑有毛
北人呼為烏禾

糝子

廣羣芳譜北地荒陂處種之苗葉似穀穗如粟穗
而分數歧碾米煮粥蒸食皆宜

蕎麥

一作收廣羣芳譜北人作餅餌日用以供常食農人以為禦冬之具

大豆

春秋莊公三十一年齊侯來獻戎捷穀梁傳軍得曰捷戎菽也爾雅疏戎菽大豆也管子北伐山戎出冬蔥及戎菽布之天下淮南天文訓北方其地宜菽本草大豆有黑白黃褐青斑數色農書黑豆中最細者曰櫓豆一曰料豆北人以飼馬

小豆

有赤白二種

菜豆

豇豆

一名豨豆

豌豆

廣羣芳譜種出西戎北土尤多

刀豆

蠶豆

白菡豆

脂麻

俗作芝蔴

沙米

宣化縣志蓬蒿結實者沙灘所生

薏苡

俗名草珠圖經生正定平澤及田野永平府志灤

之下社頗多

蔬屬

芹

有園芹野芹水芹昌平山水記芹城在州東三十
里有橋橋下有水出芹

白菜

一名菘廣羣芳譜北方多入窖內不見風日長出
苗葉皆嫩黃色脆美無滓謂之黃芽乃白菜別種

畿輔舊志出安肅者佳有箭桿白四時可用又太倉白出廣平府

韭

五雜俎京師有韭黃蓋地窖火坑中所成畿輔舊志正定出者尤肥美

芥

一名辣菜出保定者根肥壯可瀹食

春不老

味辛葉青而莖澤惟保定有之

同蒿

一名蓬蒿

菠菜

一名赤根蘇軾詩北方苦寒今未已雪底菠菜如

鐵甲

薺

蕨

灤州志灤州菜山產蕨菜

薇

山藥

一名藟薯曰下舊聞產采育者甘美特異他處畿輔舊志正定保定出者著

蔓菁

一名蕪菁陸機草木蟲魚疏葑蕪菁幽州人或謂之芥爾雅翼蔓菁南北道有之北土種之尤多

茭白

子即菰米河間府志菰蔣米出茭草中

壺蘆

一作葫蘆可挹可食

蒿苳

莖如筍俗呼蒿筍

蘿蔔

農書北人蘿蔔一種四名春曰破地錐夏曰夏生

秋曰蘿蔔冬曰土酥廣羣芳譜一名菜菔一名紫
花菘處處有之北土尤多狀有長圓二類根有紅
白二色可生可熟可俎可齏又葫菜菔水菜菔

若蓬

一名恭菜

葛

草木蟲魚疏幽州謂之燕葛根白可啖

龍鬚

析津日記天壇生龍鬚菜清明後鬻於市食之甚
脆

百合

盤山志產盤山澗中秋冬斲之甘香可食

藕

草木蟲魚疏幽州謂之光旁為光如牛角畿輔舊
志 御河出者佳

蒲筍

文安縣志灘裏村出者佳

荊頭菜

輿室記大房山有草葉初生類椿芽僧摘為蔬食之甚腴

龍芽

宣化縣志土人謂即升麻三四月間採食

甘露

俗名滴露又名玉環

莧

有馬齒莧紅莧白莧詢莧錄北人呼苻乃莧音誤也

荼

一名苦菜

黃花菜

一名金針

豆苗菜

盤山志叢生似豆苗山家采食之作羹極鮮美僧
智朴詩豆苗競茁紅侵步杏葉才開綠滿筐

杏葉菜

盤山出形似杏葉味甘

苦益菜

盤山志溝澗中多有之似埜菊有浮毛三月間采
之徽乾亦佳

木蘭芽

永平出

筆管菜

即黃精苗

石花

產盤山峭壁

木耳

金史地理志大名府產木耳舊志銀山出者佳

地輒

宣化縣志一名地耳又名地踏菜狀如木耳雨後
生腴地上

菌

畿輔舊志木生者如芝草生者如蓋土生者如丁
土人總名曰蘑菇惟凍黃天花延壽猴頭雞腿羊
肚為最日下舊聞松織出盤山土人目為紫蘑菇
擘手藍

廣羣芳譜南方謂之芥藍葉可擘食故北人謂之

擘藍葉大於菘根大於芥臺苗大於白芥子大如
蔓菁

苜蓿菜

廣羣芳譜葉似豌豆紫花三晉為盛齊魯次之燕
趙又次之

茄

又水茄宜生食

灰藿

廣羣芳譜一名灰滌今訛為灰條處處原野有之
土芋

俗呼土豆

原萋

蔥

爾雅疏管子北伐山戎出冬蔥及戎菽布之天下
畿輔舊志有四種曰凍曰胡曰漢曰蓉

蒜

灤州志山中出者名蒿明志保安州出獨窠蒜

王瓜

學圃餘疏王瓜出燕京者最佳種之火室中逼生
花葉二月初即結小實廣平府志臨洺取王瓜之
長細者陰乾嚼之有聲名响瓜

梢瓜

菜瓜

廣羣芳譜北方名苦瓜色青質脆可生食苦者可

作俎

南瓜

倭瓜

一名北瓜

冬瓜

絲瓜

瓠

芥花

懷香

金史地理志正定府產茴香畿輔舊志一名八月
珠土人名曰小茴香不似舶上來者味厚

椒

灤州志百花峪產極夥盤山志五盆溝產野椒味
同小茴香明志保安州出地椒

秦椒

廣羣芳譜以產秦地故名今北方秦椒另有一種

果屬

桃

客燕雜記京師佳果桃八紅桃白銀桃小桃蟠桃
合桃酒紅桃霜下桃肅寧八月桃畿輔舊志甘酸
不一惟肅寧最著河間府志銀桃味最佳絡絲桃
紅白相間金桃色紅扁桃形如小餅秋桃熟遲長
垣縣志梨兒桃最佳

李

陸士衡果賦中山之縹李客燕雜記李五紫李綠
李黃李麝香李盤山李

石榴

寰宇記深州趙州產

杏

長安客話杏仁皆味苦有一種甘者名巴旦杏或
謂之八達杏北遊紀方房山車營嶺環十數里峯
頭澗底皆是杏林又東一小嶺樹尤奇古高者三

丈低者丈餘狀如垂柳繁花綴之舊志梅子本杏
屬土人呼為梅杏

梨

魏文帝詔正定郡梨大如拳甘若蜜脆若菱可以
解煩釋悵唐書地理志常山土貢梨杜佑通典常
山郡貢梨六百顆金史地理志大名府產梨肉燕
山紀遊過仰山村山多梨樹秋深紅葉如燒畿輔
舊志種類不一惟遵化之綿梨河間之瀛梨廣平

之洛梨最著

羌桃

俗名核桃酉陽雜俎北方多種之以殼薄仁肥者為佳長安可遊記王平口山坳多核桃遵化州志出陰平者佳

櫻桃

金史地理志平州貢櫻桃大名府產櫻桃煎因樹屋書影白櫻桃生京師西山中微酸不及朱櫻之

甘碩

山櫨

俗呼山裏紅

粟

史記貨殖傳燕秦千樹粟草木蟲魚疏五方皆有
粟惟漁陽范陽粟甜美長味唐書地理志幽州土
貢粟宋史地理志廣信軍貢粟金史地理志薊州
產粟王逸荔枝賦北燕薦朔濱之巨粟明王嘉謨

石甕記幽薊棗栗千子可食數口析津日記燕京
市肆及秋則以餉雜石子爆之栗比南中差小而
味頗甘

棗

神異經北方大棗味有殊既可益氣又安軀元和
志信都縣東北五十里漢煮棗侯國六國時於此
煮棗油容燕雜記棗五纓絡棗賽梨棗合兒棗密
雲棗無核棗冀州論安平好棗地產不為無珍舊

志博野棗強為最蕃

松子

杜佑通典安邊郡蔚州貢松子一石宣化縣志葉
五出者有子

榛

昌平州志榛出北山黃花鎮者良黃花鎮記鎮有
禮鼠冬聚榛實為糧於穴中貯之皆美好價倍於
人山氓多掘取之

蘋婆

采蘭雜志燕地蘋婆果味雖平淡夜置枕邊有香
氣 帝京景物畧昌平玉峯山樹盡蘋婆果

柰子

長安客話韋公莊里許有柰子古樹婆娑數畝春
時花開望之如雪三夏葉特繁密列坐其下烈日
不到袁宏道謂戒壇老松顯靈宮栢城南柰子可
稱卉木三絕

花紅

畿輔舊志俗名甜果即林檎易州完唐二縣最夥
沙果

畿輔舊志綿而沙者曰沙果又秋子似沙果而小
土人多曝為乾

檳子

一名虎喇檳

倒吊果

聖祖御製文集倒吊果俗名吊搭果形似山梨而小體微長

味酢肉多沙長蒂花實皆下垂故名性暖健脾消食樹枝葉俱如梨今遵化沿邊多有之

柿

小曰火柿大曰蓋柿

羊棗

俗呼軟棗一名丁香柿

杜梨

鄭康成詩註北人謂之杜梨南人謂之棠梨

銀杏

一名白果一名鴨脚子宋梅堯臣詩北人見鴨脚南人見胡桃識內不識外疑若橡栗韜鴨脚類綠李其名因葉高珂雪齋集法雲寺在西山後有銀杏二株大數圍舊志今近山諸處多置之

文官果

五雜俎形如螺味甚甘類滇之馬金囊

無花果

倦遊錄木饅頭京師亦有之謂之無花果

蓮實

順德最蕃

菱

水經注陽城澱匪直蒲筍是豐實亦偏饒菱藕

芡

爾雅翼雞頭也幽州人謂之鴈頭又名鴈喙實內

有米圓白如珠久食宜人

芟

畿輔舊志昌黎縣筆峯山下有玉硯池芟荷幽茂
河間府志白洋淀衆水所匯深廣四通芟荷交匝
望之若河湖焉

葶薺

櫻額

聖祖御製文集櫻額樹叢生果形如野葡萄而稍小味甘溢

性溫補脾古北口外亦有之山莊之千秋島遍植此種每當夏日則纍纍綴枝遊觀其下殊堪娛目不獨秋實之可採也

葡萄

聖祖御製文集近得哈密各種植於苑囿中結實有白者綠者長如馬乳者又一種大葡萄中間有小者名公領孫又一種小者名瑣葡萄種類雖殊實皆甘美移種南方便失本味大約其性於北方沙石水

土相宜容城縣志馬乳者多有玉葡萄味甘廣羣芳譜北方天寒初冬草裹埋地尺餘春分後取出數日後架起子生去繁葉使霑風露則結子肥大

山葡萄

一名燕莫粒小味酸

西瓜

魏文帝與曹質書憶昔南皮之遊浮甘瓜於清泉沈朱李於寒冰范石湖詩註西瓜味淡而多液本

燕北種延壽書瓜性寒北人秉壯食之無虞月令
廣義燕都士庶中秋饋遺月餅西瓜之屬名看月
會 帝京景物畧京師七夕以瓜雕刻成花謂之
花瓜舊志唐縣出者佳

甜瓜

清異錄瓜最盛者無踰齊趙車擔列市道路濃香
故彼人云未至舌交先以鼻選學圃餘疏甜瓜以
香而小者為第一

花屬

牡丹

燕都遊覽志草橋牡丹栽如稻麻淶水亭雜識北
地大房山僧多種之其色有大紅淺綠江南所無
也撫寧縣志牡丹坡多產牡丹

芍藥

析津日記京師豐臺芍藥連畦接軫倚擔市者日
萬餘莖永平府志桃林關外有芍藥川花多白開

時彌漫十餘里

金蓮花

聖祖御製避暑山莊詩序金蓮映日處廣庭數畝植金蓮花
萬本枝葉高挺花面圓徑二寸餘日光照射精彩
絢目

梅

有九英綠萼紅白各種述異記邯鄲有邯鄲宮基
中有趙王之果園梅李至冬而花

榆葉梅

畿輔舊志葉似榆花開如紅梅故名枝柔可以編籬

蠟梅

燕都遊覽志隆恩寺小軒蠟梅一株甚大江南亦不多得

水仙

海棠

帝京景物畧上西府次鐵梗次垂絲贖者木瓜瓣
之以其葉木瓜花先葉海棠葉先花韋公慈仁二
寺皆京師海棠盛處

秋海棠

丁香

紫白二種

榴花

遵生八箋燕中榴花有千瓣白千瓣粉紅千瓣黃

千瓣大紅單瓣者比他處不同中心花瓣如起樓
臺謂之重臺石榴

桃花

畿輔舊志有山桃園桃惟千葉碧桃為最六街花
事桃花有白者梨花有紅者亦上苑異種

梨花

又郁李花有粉紅有白

梨花

熱河入梨樹峪過三岔口循澗西行可里許梨花
萬樹

蘋婆花

畿輔舊志紅白雅淡北花中之最可愛者

柰花

詳前
柰子

荷花

聖祖御製避暑山莊詩序長虹飲練處湖光澄碧一橋卧波
橋南種菽漢荷花萬枝間以內地白蓮錦錯霞變

清芳襲人爾雅翼北方人便以藕為荷亦以蓮為荷日下舊聞涼水河蓮塘最勝有坊額曰十里荷香畿輔舊志順德府最蕃

學枝

葵

有冬葵戎葵菟葵向日葵黃葵錦葵蜀葵諸種

菊

帝京景物畧菊種最繁種菊之法自春徂夏辛苦

過農事草橋圃人廢晨昏者半歲而終歲衣食焉
探春

白玉紫香二種

玉簪

薔薇

一名薔藤

月季

俗呼月月紅

夾竹桃

木槿

紫藤

吏部堂右古藤十丈為明侍郎吳寬手植

迎春

金銀藤

一名忍冬天府廣記昌平駐驛山西北清水澗崖
間百合忍冬棠杜牛奶黃精之屬紅翠含濡

紫荆

紫薇

酉陽雜俎紫薇北人呼為猴郎達樹謂其無皮猴不能捷也北地其樹絕大有環數夫臂者

金粟

俗名萵苣蓮亦名鶯粟

虞美人

長春

俗呼金盞

石竹

一名石菊又名洛陽花叢生花色以數十種計

鳳仙

一名指甲花俗呼海薔

玫瑰

遵生八箋有二種其一種色黃出燕中花稍小於

紫玫瑰

八仙花

一名避麝

夜合

俗呼馬纓

荷包牡丹

即當歸花一名朝鮮牡丹苑西集碧葉紅葩娟潔
可喜為春時草花第一

金錢花

一名子午花俗呼夜落金錢

望江南

雞冠

有紅黃白數種矮者名壽星雞冠

蝴蝶花

一名鳳翼

剪秋羅

捲丹

一名渥丹

六月菊

苑西集黃心藕合瓣有重紋自六月開至秋都人
因名之

江西臘

烏斯菊

一作無絲菊

金鈴

長安可遊記度仰嶺十八盤有村名桃源遍開野
菊金鈴聚花如織組

棣棠

鼓子花

舊志花似牽牛

萱花

六街花事萱草一名紫萱今京師有草花葉類萱
春時葉布地經暑則朽及秋花發則葉已無存矣

都人謂曰孤挺花花淡紫色疑即紫萱也

轉枝蓮

蓼

夢溪筆談六宅使何承矩議因陂澤之地瀦水為
塞欲自相度恐其謀泄日會僚佐泛船置酒賞蓼
花作蓼花遊數十篇繪為圖舊志江鄉花也北地
高幾以丈俗呼水荳花

金雀

牽牛花

俗呼紅娘子

紅花

爾雅翼習鑿齒與謝侍中書曰此有紅藍北人采取其花作胭脂婦人粧時作頰色用如豆許按令徧頰殊覺鮮明通雅紅藍卽紅花北方有焉支山多紅藍北人采花染緋取英鮮者為燕脂畿輔舊志新河南和等縣最著

優鉢羅化

日下舊聞開必四月八日至冬而實中金色佛一尊者核也在禮部儀制司秀水李日華有記今無

馬蘭

通志馬蘭生道旁似蘭而大色藍無香

木屬

松

周禮職方氏冀州其利松栢

聖祖御製避暑山莊詩序無暑清涼之南長松環翠壑虛風
度如笙鏞迭奏不減西湖萬松嶺也燕山紀遊石
徑山東南行至林衡署有古松數百株參錯平野
盤山志盤山之松以百萬計而奇絕者多生石罅
中擁腫卷曲如怒龍之攫又陂陀土壤而生者大
數十圍龍鱗斑駁或挺茸直上或青蔥垂下口北
多松柏蔽雲干霄為千里松林

柏

明志府西北清白口社柏山四旁多產柏薊州志
天城少林龍泉香水諸寺柏皆千年物

檜

一名栝西山遊記碧雲寺殿前二栝松十圍日出
映之山中蓊蓊如青雲起

楓

聖祖御製文集北方原無楓樹之名自南巡見楓樹方知北
方之棕木即是楓樹但南方厥木維喬所以直生

北方厥木維叢故矮短耳其枝葉則相同也熱河
北嶺多楓葉茂而美蔭其色油然

槐

又一種曰龍爪

椿

宦遊記聞涿州靈椿寺椿木一本大不可量凡樹
影皆隨日月升沈以為斜正而椿影早暮未嘗少
移畿輔舊志芽可充蔬

桑

五灘俎涑水道中有桑高十餘丈蔭百畝云即昭
烈舍前之桑也萬齋詩話庾子山詩桑葉紛紛落
薊門王介甫詩幽燕桑葉暗川原幽薊古多樹桑
今則絕少矣固安縣志人素不事機杼楊太僕家
種桑千株縲絲織絰以為衆倡大名府志魏以西
南多桑絲子曰萑容齋三筆幽州人以桑甚為糧
異苑北方有白桑甚長數寸食之甘美

榆

爾雅翼江南有刺榆無大榆蓋大榆北方有之與
術北方種榆九根宜蠶桑田穀好又白榆一名粉
河間府志白粉皮可充飢其錢甚美漢龔遂治渤
海令民口種十樹備飢交河縣志白粉堅實可作
器物 帝京景物畧榆春錢天壇拗榆錢以秋為
京師七奇樹之一

楊

廣羣芳譜北方材木全用楊槐榆柳人多種之懷
來縣舊志楊木長柴產寶鳳山柴烟直上為郊壇
焚燎之用每年四月入山斫伐九月編筏起解務
於冬至前交納

聖祖御製文集明時宮中用馬口柴取給於蔚州昌平諸州
縣其柴長四尺許整齊白淨兩端刻兩口以繩縛
之故謂之馬口柴康熙初年炊爨還用此今惟天
壇焚燎用之

柳

唐書地理志滄州土貢柳箱宋史地理志滄州貢
大柳箱金史地理志大定四年命都門外夾道重
行植柳各百里

柞

冬青

檀

名勝志涑水之山峯巒秀麗中多檀木

桃木

盧龍志枝幹勁直色紫皮滑可以裹鏃

枸橘

一名鐵離寨

椴

段成式肉攪部鷹有房山白生代東房山白陽椴
樹上宣府志大白陽堡南四里有椴樹山上有古
椴樹

櫟

緣山谷生之薊州上方寺者最古子曰橡斗可染

皂

娑羅樹

帝京景物畧香山臥佛寺娑羅樹大三圍皮鱗鱗
枝槎槎瘦累累根搏搏花九房葉七開實三稜西
域種也

桐

有椅桐青桐梧桐燕京賦注荏桐多生楚粵椅桐
宜於北地

梓

杆

宣化產葉似松而有刺

楮

草木蟲魚疏幽州人謂之穀桑或曰楮桑皮可作
紙今永平出磁州志楮皮浸之造紙出鄉音水亮東

武任二村

檉

河間府志俗呼西河柳性浮為舟可以負重

樺

唐書地理志媯州土貢樺皮宣化府志張家口出
皮有紫黑花者可裹弓皮厚者為煖木可鑲器物

苦櫪

一名秦皮

楸

史記淮北常山以南河濟之間千樹楸述異記中
山有楸戶掌楸木可為什器畿輔舊志玉田楸子
山行五里許楸樹紛披

杜

河間府志即杜梨一名甘棠可任剗厠

竹

帝京景物畧燕故難竹至水盡頭林林畝畝竹丈

始枝筍丈猶擘竹粉生於節筍梢出於林根鞭出於籬孫大於母昌平志城東麻子港甚繁筍亦可

食

棘

山海經北嶽之山多枳棘剛木

卉屬

艾

有家艾二種

菖蒲

隋圖經邯鄲紫山下有石石上菖蒲一寸九節舊志一寸九節者出居庸石洞中

芭蕉

老少年

一名十樣錦

葛

遵化州志蔓長緣山谷間根可食絲可織花可醒

酒土人取之違其用非編籬即束薪再則絰籬落
而已邯鄲縣志葛山林木森鬱葛藟尤盛

女蘿

一名金線草

懋題草

帝京景物畧房山縣白蒂山生懋題草

紫草

唐書魏州土貢紫草宋史大名府貢紫草

苜蓿

菥蓂草

昌平舊志居庸出金稜銀線素莖紫花

紫花地丁

一名箭頭草

紫石英

隋圖經邯鄲紫山春夏有氣翁鬱巖間生紫石英

洛神珠

一名酸漿草俗呼紅姑娘

早蓮草

吉祥草

龍珠

穀精草

慎火草

即佛指甲

光蘭

草木蟲魚疏幽州人謂之雀瓢蔓生葉青綠色而厚斷之有白汁鬻為茹滑美其子長數寸似瓠

觀音草

虎鬚

老鸛草

鈴兒草

薇

草木蟲魚疏似栝樓幽州人謂之烏服

蘆

丹鉛錄蘆葦通一物北人以水傍下濕處生者為葦其細不及指人家園池間所植者為蘆其幹差大深碧色者為碧蘆排悶錄京師無筍以蘆芽為筍燕都遊覽志葦中貴別業四圍多水荻花蘆葉寒鴈秋風令人作江鄉之想廣羣芳譜荻似萑而細高數尺中實

蒲

水經注陽城澱匪直蒲筍是豐實亦偏饒菱藕寔
宇記莫縣東南隅中有蒲柳多葭葦元和志長蘆
縣薩摩陂周五十里有蒲魚之利

水蔥

藍

染草有大小二種即靛也

麻

雄者為臬雌者名苴有檉麻火麻河間府志火麻

又名線麻黃麻

鹽蓬

河間府志葉圓長至秋枝葉俱紅燒灰煎之可得
鹽極甘美

鰾蓬

河間府志似鹽蓬而大曝乾為燼煎之可得鰾

茅

瀛州青茅草可作筆幽燕紀異茅地經冬燒去枝

梗至春取土中餘根色如玉者搗汁煎之至甘可
為洗心糖唐山縣志茅山山際出茅有刺而三脊
煙草

食物本草閩產者佳燕次之春種夏花秋日取葉
切細如髮草頂數葉名曰蓋露昌平州志先白浮
山村產者良後城中更勝

蒿

宣化縣志蓬蒿結實名沙米河邊沙灘所生可食

藥屬

人蔘

唐書地理志幽州檀州平州營州土貢人蔘太平
寰宇記幽州土產人蔘檀州貢安東府蔘定州貢
恒山人蔘茶經人蔘生幽州檀州者為藥無效

沙參

白芷

明志樂亭縣出香白芷

黃芩

荊芥

芍藥

赤白二種

防風

天南星

金史地理志正定府產

續斷

本草生常山山谷

遠志

太平寰宇記薊州土產遠志白朮

白朮

蒼朮

金史地理志大興府產蒼朮半夏滑石五味子

半夏

滑石

五味子

畿輔舊志北地多有永平產特良

桔梗

茵陳

柴胡

圖經北地者色黃白枯脆無氣味

秦艽

木瓜

金史地理志正定府產

車前子

即茱萸爾雅翼幽州人謂之牛舌草正字通開州者良

黃精

天府廣記昌平駐驛山西北清水澗崖間牛奶黃精之屬紅翠含濡

桑白皮

太平寰宇記澶州土產

薄荷

代赭石

金史地理志大興府產

草薺

圖經生正定山谷

蘇

河間府志無紫者味不芳烈

酸棗仁

蔓荊子

唐書地理志平州土貢蔓荊實杜佑通典北平郡

貢蔓荊子四劬明志盧龍遷安出

青黛

太平寰宇記趙州產青黛

細辛

桑寄生

白鮮

本草生上谷川谷及寃句

地膚子

俗呼掃帚

瞿麥

馬兜鈴

天花粉

知母

藥錄幽州蛇膽知母

充蔚

即益母草

萊菔子

芎

金史地理志正定府產芎

旋覆花

蒲公英

香附子

太平寰宇記澶州土產金史地理志河間府產

白蒺藜

劉寄奴

芫花

威靈仙

藜蘆

土人謂之慙慙

柘樓

一名地樓灤州志北城土垣甚多

澤瀉

萹蓄

郁李仁

枸脊

本草生常山川谷

枸杞



古以常山者為上

地骨皮

商陸

葇砒

丹參

玄參

圖經生河間及冤句今處處有之

紫苑

圖經生房陵山谷及正定邯鄲

蒲黃

禹餘糧

王不留行

藁本

密雲志香陘山出藁本雜香

兔絲子

夏枯草

石菖蒲

隋圖經邯鄲紫山下有石石上菖蒲一寸九節

茯苓

唐縣出

皂角

金史地理志正定府產

升麻

麻黃

白牽牛

金史地理志大興府產

白龍骨

金史地理志大興府產

白石英

永平出

紫石英

永平出

畿輔通志卷五十六